

# Vizon Jeral di Prujetu

Departamentu di Transporti di Sidadi di Boston (Boston's Transportation Department, **BTD**) sa ta rializa un prujetu ki txoma "Planu di Ason di Transporti pa Columbia Road" Na prosimus 12-18 mes, Sidadi ta bai lidera un prusesu pa reforma Columbia Road.

Sidadi i si ekipa di konsultoris ta bai koleta opinion di kumunidade na pontus diferenti duranti prusesu. Dipos, e ta bai risebi es opinions pa kria opsons putensial pa manera ki strada podi reformadu. Prosimu, e ta bai trazi es opsons prupostu pa kumunidade pa mas opinions. Dipos sidadi ta bai skodji un design final.

Es prujetu e sobri mas di ki repavimenta rua i konpu saseius i pasaderas. Un reforma di strada ta bai konsidera sperienza kompletu di moradoris i pasajerus ki ta uza koredor. Ekipa di prujetu ta bai konsidera mudansas putensial na faixa di tranzitu na rua, paseius, i parajen di autokaru. Nu ta bai trabadja pa fazi sperienza di viaja na Columbia Road midjor pa tudu alguen.

**Planu di Ason di Transporti pa Columbia Road ta bai...**

Kria un vision i un planu pa futuru di strada.

**Planu di Ason di Transporti pa Columbia Road ka ta bai...**

- Kumesa kualker konstruson grandi (ex. muda faixas di tranzitu) sen opinion signifikativu di kumunidade
- Involvi mudansas na kazas, parkis, nigosius, skolas, o stabelesimentus spesifiku

# Kuze ki bu ta bai sperienza ku un Columbia Road reformadu?

## 1 Mas formas di movimenta

Sidadi ten vizon di un futuru ku midjor opsons di transporti pa tudu alguen. Sidadi kre midjora sperienza di viaja na Columbia Road. Kuazi 6000 pesoas ta anda na autokaru MBTA 16 tudu dia di simana. **Es prujetu ta bai leba en konsiderason nisisidadi di utilizadoris, kaminhantis, biskiletas i kondutoris di tranzitu publiku.**

## 2 Design di ruas mas siguru

Un grandi kuantidadi di asidenti di veikulu, pidestris, i biskiletas ta kontisi tudu anu na Columbia Road. Na 2023 kontisi 46 asidentis na Columbia Road. **Prujetu ta bai aumenta siguransa pa tudu utilizadoris na akrisenta intervensions ki sabedu pa ta aumenta siguransa.**


## 3 A sperienza mas verdi

Arvis e inportanti pa saudu umanu i ambiental pamodi es ta kria sonbra i rua fresku. Columbia Road ten arvi mas poku di ki txeu otus ruas na Sidadi. Falta di sonbra na Columbia Road ta dexa kumunidade a volta di rua mas kenti na veron. **Es prujetu ta bai poi mas arvis i paizajismu pa diminui temperaturas di veron. Prujetu ta bai poi arti publiku, bankus i iluminason pa kria lugaris mas bunitu pa anda i xinta na strada.**

# Pamodi Gosi?

Columbia Road e un di kes ruas prinsipal mas grandi di Boston. Es strada di 2.5-milha di konpimentu ta konekta Franklin Park ku Blue Hill Avenue ti Moakley Park i fonti di agu. E sta alinhadu ku kazas, pikenus nigosius, lokal di adorason, sentrus di saudu, i predius storiku bunitu.

Mas design atual di Columbia Road ta difikulta ki pesoas viaja ku siguransa. Strada e grandi i pasaderas e kunpridu. Karus i biskiletas ta partilha spasu na strada i tranzitu ta leba a atrazu pa kenha ki ta panha autokaru i kondutoris. Columbia Road ten menus arvis i spasu verdi di ki otus ruas na Sidadi ki ta fazel un lugar menus agradavel pa anda.



# Kronograma

## Pasu 1: Midjoramentus imediatu na strada i paseiu

Sidadi ta bai rizolvi priokupasons imediatu ki podi rizolvevu rapidu. Es ta bai inklui konpu pasaderas i faixa di sirkulason di veikulu, konpu brakus, i konpu paseius disniveladu. *Bu ta bai kumesa ta odja midjoraments na invernu/veron 2024.*

## Pasu 2: Pilotu di kurtu prazu

Nu ta bai koleta opinion di kumunidadi pa design i testa un mudansa tenporariu di pikena skala pa rua. Es ta bai uzadu pa inkoraja konversason kumunidadi sobri transporti. Pilotu ta bai aborda un o mas di kes metas li:

- muda design di rua pa aumenta siguransa pa kaminhantis i biskiletas
- poi arvis or paizajismu pa mas sonbra i un strada mas bunitu
- poi mas spasu pa xinta, brinka, o rilaxa na strada
- midjora sperienza di anda na autokaru o na Fairmount Line

*Nu ta bai implementa prujetu na Outonu di 2024, i e ta bai inklui eventus divirtidu na kumunidadi.*

## Pasu 3: Vizon di reforma di rua

Sidadi sa ta fazi un novu abordajen pa involvimentu publiku. Nos ekipa ta bai da txeu opsons di involvi na prusesu. Na Outonu/Invernu 2024, nu tai lidera konversasons na kumunidadi sobri novu opsons di design pa Columbia Road. Nu ta spera designs diferenti ta rikumendadu pa sesons diferenti di Columbia Road. *Prusesu di kria un vision i fazi design di konseitu ta bai sta pruntu ti Junhu di 2025.*

## Kontaktanu

columbiaroad@boston.gov  
(617) 635-1705  
boston.gov/columbia-road



SCANIA PA INSKREVI  
PA ATUALIZASONS

## Ekipa

### Departamentu di Transporti di Sidadi di Boston

- Xavier Lopez (Jerenti di Prujetu)

### Konsultoris Tekniku

- Toole Design Group (lideransa)
- Agenjia di Paizajismu + Planiamentu
- Reed Hilderbrand
- Kleinfelder
- Dawood

### Konsultoris di Engajamentu

- LivableStreets Alliance (lideransa)
- Dorchester Bay EDC
- Kolaborativu Fairmount Indigo CDC
- Jaypix Belmer
- Grayscale Collaborative
- Design Studio pa Intervenson Sosial

### Imajens

Fotografu: Jaypix Belmer

